

**DOPUNSKI USLOVI ZA OSIGURANJE KORISNIKA TEKUĆIH RAČUNA I PLATNIH KARTICA OD POSLJEDICA
NESREĆNOG SLUČAJA (NEZGODE) ZA NAŠU BANKU A.D.**

Opšte odredbe

Član 1.

Opšti uslovi za osiguranje lica od posljedica nesrećnog slučaja (nezgode) (u daljem tekstu: Opšti uslovi) i Dopunski uslovi za osiguranje korisnika tekućih računa i platnih kartica od posljedica nesrećnog slučaja (nezgode) za Našu banku a.d. (u daljem tekstu: Dopunski uslovi) sastavni su dio ugovora o osiguranju korisnika tekućih računa i platnih kartica koji ugovarač osiguranja zaključuje sa „Premium osiguranjem“ a.d. (u daljem tekstu: Osiguravač).

Sposobnost za osiguranje

Član 2.

- (1) Po ovim Uslovima mogu se osigurati:
 - 1. Za slučaj smrti usljed bolesti: zdrave osobe od navršениh 16 do navršениh 75 godina života,
 - 2. Za slučaj smrti usljed nezgode: osobe od navršениh 16 do navršениh 75 godina života,
- (2) Ne mogu biti osigurane duševno bolesne osobe, osobe koje imaju psihičke poremećaje, osobe potpuno lišene poslovne sposobnosti.
- (3) Osiguranje za slučaj smrti usljed bolesti nevažeće je za osobe koje do trenutka sklapanja osiguranja imaju dijagnosticiran zloćudni tumor, infekciju HIV-om, moždani udar, srčani infarkt.

Način zaključivanja ugovora

Član 3.

- (1) Ugovor o osiguranju korisnika tekućih računa i platnih kartica od posljedica nesrećnog slučaja zaključuje se prema evidenciji ugovarača osiguranja, koja čini sastavni dio polise osiguranja.

Trajanje osiguranja

Član 4.

- (1) Ugovor o osiguranju korisnika tekućeg računa ili platne kartice sklapa se na neodređeno vrijeme.
- (2) Osiguranje počinje istekom 24 časa onog dana kada je korisnika tekućeg računa ili platne kartice uveden u evidenciju ugovarača osiguranja.
- (3) Osiguranje prestaje istekom 24 časa zadnjeg dana u mjesecu u kojem osiguranik izgubi status korisnika tekućeg računa ili platne kartice kod ugovarača, odnosno osiguranje prestaje istekom 24 časa zadnjeg dana u mjesecu u kojem pismeno zatraži prestanak osiguranja.
- (4) Osiguranje prestaje za svakog pojedinog osiguranika istekom 24 časa, bez obzira na ugovoreno trajanje osiguranja, dana kada:
 - 1. nastupi smrt osiguranika,
 - 2. osiguranik postane duševno bolestan ili potpuno lišen poslovne sposobnosti,
 - 3. osiguranik prestane biti korisnik tekućeg računa ili platne kartice kod ugovarača osiguranja,
 - 4. osiguranik navrší 75 godine života.

Način i rokovi obračuna i plaćanja premije

Član 5.

- (1) Ugovarač osiguranja će dostavljati Osiguravaču listu korisnika tekućih računa ili platnih kartica uključenih u osiguranje svakog mjeseca za protekli mjesec, uz plaćanje iznosa premije prema toj listi na račun Osiguravača.
- (2) Mjesečna premija u bruto iznosu je nedjeljiva, odnosno naplaćuje se u punom iznosu za svakog pojedinog osiguranika bez obzira kada je u toku mjeseca počelo osiguranje.

Mjesto osiguranja

Član 6.

Osiguranje je na snazi u svim zemljama svijeta, osim u zemljama u kojima se vodi rat ili oružani sukob bilo koje vrste.

Pojam nesretnog slučaja (nezgode)

Član 7.

Nesrećnim slučajem (nezgodom) u smislu ovih Uslova smatra se svaki iznenadni i od volje osiguranika nezavisni događaj koji, djelujući uglavnom spolja i naglo i na tijelo osiguranika, ima za posljedicu njegovu smrt.

Obaveza osiguravača

Član 8.

- (1) Ako za vrijeme trajanja osiguranja nastane smrt osiguranika usljed nezgode, osiguravač isplaćuje korisniku osiguranja ugovorenu sumu osiguranja za rizik smrti usljed nezgode.
- (2) Ako za vrijeme trajanja osiguranja, nastane smrt osiguranika usljed bolesti, a proteklo je više od mjesec dana od početka osiguranja, osiguravač isplaćuje korisniku osiguranja sumu osiguranja za rizik smrti usljed bolesti. Ako je smrt osiguranika usljed bolesti nastupila tokom prvog mjeseca od početka osiguranja osiguravač isplaćuje korisniku 50% iznosa sume osiguranja za rizik smrti usljed bolesti.

Isključenje obaveze osiguravača

Član 9.

- (1) Korisnik osiguranja gubi pravo na naknadu ukoliko je smrt osiguranika nastupila zbog nezgode nastale:
 1. pri upravljanju vazduhoplovom, raznim letjelicama, ili korištenju padobrana,
 2. pri učestvovanju na motociklističkim takmičenjima (uključujući probne vožnje i relije) i na pripadajućim treninzima bez obzira da li su službenog karaktera;
 3. pri učestvovanju na skijaškim takmičenjima, te takmičenjima iz disciplina skijaški skokovi, bob, ski-bob ili skeleton, te na treninzima za ta takmičenja;
 4. pri pokušaju ili izvršenju kaznenih djela od strane osiguranika, ako je postojala namjera;
 5. u neposrednoj ili posrednoj vezi s ratnim događanjima bilo koje vrste;
 6. usljed unutrašnjih nemira, ako je osiguranik u njima učestvovao na strani onih koji su ih potakli;
 7. posredno ili neposredno:
 - usljed djelovanja jonizirajućeg zračenja ili
 - atomske energije
 8. usljed poremećaja svijesti ili usljed djelovanja alkohola, narkotika ili lijekova na psihičko stanje osiguranika u trenutku nastanka nezgode; tada se smatra da je nezgoda nastala usljed dokazane uzročne veze djelovanja alkohola na osiguranika. U svakom se slučaju smatra da je nezgoda nastala zbog djelovanja alkohola ili narkotika ako se poslije nesretnog slučaja metodom mjerenja količine alkohola u krvi ili organizmu, utvrdi 0,3 g/kg ili više kod vozača, a kod ostalih 1,0 g/kg ili više ili su pronađeni tragovi korištenja narkotičkih sredstava. Smatra se da je nezgoda uzrokovana djelovanjem alkohola ili narkotika ukoliko je osiguranik odbio primjenu metode mjerenja količine alkohola ili narkotika u krvi ili organizmu.
 9. pri upravljanju motornim i drugim vozilima te plovnim objektima bez propisane službene isprave koja daje ovlaštenje vozaču za upravljanje i vožnju tom vrstom vozila. Smatra se da osiguranik ne posjeduje valjanu ispravu ako je isteklo njezino važenje ili mu je ista oduzeta.
 10. usljed tjelesnih ozljeda u vrijeme liječenja, odnosno zahvata koje je osiguranik sam preduzeo ili ih je dao preduzeti, osim ako je osigurani slučaj bio povod;
 11. kao posljedice zemljotresa;
 12. usljed čina terorizma; Osiguravač nije obavezan isplatiti naknadu za štetu, gubitak ili trošak bilo koje vrste, ako je šteta direktno ili indirektno prouzrokovana činom terorizma ili je s tim u vezi.
- (2) Korisnik osiguranja gubi pravo na naknadu ukoliko je smrt osiguranika nastupila zbog bolesti koja je dijagnostifikovana prije početka osiguranja.
- (3) Ako je ugovarač osiguranja, osiguranik ili korisnik izazvao osigurani slučaj, osiguravač nije obavezan ni na kakva davanja.

- (4) Korisnik osiguranja gubi pravo na naknadu ukoliko je smrt osiguranika nastupila zbog bolesti prouzrokovane epidemijom ili pandemijom.

Prijava osiguranog slučaja

Član 10.

Uz pismenu prijavu Osiguravaču, Ugovarač osiguranja odnosno korisnik osiguranja je obavezan priložiti sljedeća dokumenta:

- izvod iz matične knjige umrlih,
- potvrdu o smrti,
- kopiju zdravstvenog kartona osiguranika, u slučaju smrti usljed bolesti,
- medicinsku dokumentaciju, koja služi kao dokaz o uzroku smrti, u slučaju smrti osiguranika od posljedica nezgode,
- pravosnažnu odluku o pravu na nasljedstvo (ukoliko se naknada isplaćuje nasljednicima),
- iznos duga po tekućem računu ili platnoj kartici,
- ugovor o otvaranju tekućeg računa ili korištenju platne kartice,
- sva druga dokumenta potrebna da se utvrdi pravo na naknadu, a koje zahtijeva Osiguravač.

Završne odredbe

Član 11.

- (1) Ovi Dopunski uslovi primjenjuju se uz Opšte uslove, a ukoliko su u suprotnosti sa njima, primjeniće se odredbe ovih Dopunskih uslova.
- (2) Na sve što nije obuhvaćeno odredbama ovih dopunskih uslova, primjenjuju se Opšti uslovi.
- (3) Ovi Dopunski uslovi stupaju na snagu i primjenjuje se počev od dana usvajanja.

Nadležnost u slučaju spora

Član 12.

U slučaju spora između ugovarača osiguranja, odnosno Osiguranika i Osiguravača, nadležan je sud u sjedištu Osiguravača.